



Venatio Sacra. Sive Puer Amissus

Cabilliau, Baudouin

Lovany, 1642

Argvmentvm.

[urn:nbn:de:hbz:466:1-70011](https://nbn-resolving.de/urn:nbn:de:hbz:466:1-70011)

ARGUMENTVM.

Abrahamus, magnus ille gentium præfertim fidelium pater, Sarām pulcherimam iuxta & prudentissimam duxit uxorem. Cæterūm vt pleræque, quas Sacra Pagina celebrat, venustissimæ mulieres steriles euasere: sic & hæc pœnè vque ad ultimam senectutem, vteri spem omnem abdicat. Quare (vti tum ferebant mores,) ex Agar Ægyptiâ ancillâ Abrahamus genuit Ismaëlem; & id quidem Saræ consilio, quæ inde sperabat promissam Abrahamo suo Abrahamiæ stirpis gloriam. Vel recte arctius sibi vt deuinciret, quam dono acceperat à Pharaone: & vt Philo censet, ad veri Dei cultum verbo, & exemplo suo, forte & miraculo ac Pharaonis flagellis traduxerat. Cuius filio inter postgenitos Adæ primo omnium à Deo nomen sit inditum, & hoc Ismaël, id est Deus audiuit, nempe preces Agar tum exfulis & grauidæ. Simul ob Abrahamæ merita illi filium donauit, quod alijs illustribus viris vt Isaac, Sampson, & Ioanni Baptistæ euenit. Qui vnà cum parente Abrahamo iam annorum 99. circumcisus est; vbi mater redux ab exilio, Angeli monitu se heræ obsequio submisisset, & pristinâ morum innocentia sibi obstrinxisset. Hic ergo tantisper Abrahamo præ cæteris, quos ex Ceturâ alijsque ancillis procrearat liberis, erat in delicijs, quem oculis, quem sinu ferebat

)(v donec

donec anno suæ ætatis centesimo , Arahæ
Isaacus è Saræ gremio , ceu utriusque risus &
inopinum gaudium , cum spe amplissimæ stir-
pis effloruit : è quo pulcherrimus ille fructus
in IESV olim tandem ematuresceret . Demum
post tertium annum (utrum erat moris) ubi
iam tandem Isaac nutricis vbera & lac abdicat ,
Abraham opiparum instruxit conuiuum , eò
quod tum quasi viuere inciperet , eumque suis
amicis vitalem ostenderet , ne partu supposito
(ut acute docet Chrysostomus) adulterinum
nomen , præsertim si foret unica proles , suspi-
caretur ; ubi palam quisque cerneret in matre
lactis fontes suppressi.

Vt autem vidit Ismaël tanto cum parentum
gaudio Isaacum ab lacte depelli , & tam magni-
fico epulo eam diei solemnitatem , ceu alterum
natalem , celebrari ; occultâ inuidiâ , odioque in
parvulum fratrem exarsit , atque adeò eum cœ-
pit sannis & sibilis excipere , diuexare , & iniu-
rijs contumelijque incessere . Eò magis quod
licet ipse iam annos 12. natu grandior , tamen
excideret nobilissimâ illa primogeniti præroga-
tiuâ , & principe inter fratres dignitate : ne quid
dicam de felicissimâ Isaciæ stirpis in posteros
propagandæ gloriâ . Quæ omnia eum in tam
improbum ludum , & quasi puerile bellum im-
pulerunt . Sic Paulus ad Galat . 4. v . 9. duellum
eludo hoc explicat . Et Regum c . 2. ludere eos
inbet Ioab , qui seria pugnâ se mutuis defixere
vulneribus . Porro Saræ concepta ex Ismaëlis
in Isaacu

in Isaacum contumelijs iracundia , & iustus vindictæ dolor, etiam in matrem Agar redundauit. Quis scit an non & ipsa Agar inuidiæ faces filio subiecerit, & contumaci superbiâ in dominę suæ contemtum cristas erexerit; seque primi partus gloriâ, & Abrahamiæ stirpis spe principe prætulerit, & illi insultauerit. Vnde Saræ consilio iterum Agar cum suo filio iam annos septem & decem nato, in exsulium depellitur ab Abraham, inuito quidem; sed cui suæ Saræ sapientissimæ mulieris & festiuissimi pueri sui Isaaci amor è paterno pectore extorserat id imperium. Panem itaque & aquæ utrem utriusque (grandiusculus enim tum Ismaël.) imposuit. Quod autem legitur apud Septuaginta cap. 21. vers. 14. *Et posuit puerum super humeros eius ; sic lege, Dedit Abraham Agar panem & utrem aquæ, & posuit super humeros eius, & puerum (supple) tradidit.* Quæ tenuia vitæ subsidia in tam longinquo exsilio ubi miseros iam defecerant, in Berlabee deserto ad meridiem Iudeæ; Agar præ mortore & lassitudine, præsertim siti defecta, defecum abiecit filium, & ex aduerso sedens morientem cœpit deplorare : *Quibus in ærumnis Angelus iterum apparuit, & fontem quem luctu turbida non animaduerterat, ostendit ; vnde & solis æstum & sitim temperaret.* Sic demum in Arabiam abiit, ubi Ismaël ferus Hebræis Pere id est onager, nempe agrestis, intractabilis, soliugus, in solitudine egit, & sub tabernaculis vitam vagam instituit: qui cum sibi vicinos oppugnaret etiam

etiam ab omnibus ipse vicissim oppugnabatur,
nec immerito. Cuius è progenie nulla uspiam
est, nec porrò erit gens, quam Agarenorum, siue
Saracenorum; quæ tam latè, cum publico om-
nium periculo, & fidei excidio, orbem sit perua-
gata: vti & Abrahæ in Ismaële, promiserat Deus.
Etenim per totum Orientem Indiam usque, A-
fricam & magnam Europæ partem, olim etiam
per Hispanias diffusa, pœne medium orbis par-
tem Mahometis sui superstitione miserè defor-
matam occupat, & etiamnum verum in IESV
Isaacum oppugnat. Num autem ille, cui à Deo
depoposcit Abrahamus pater ut viueret, æter-
num viuat; res incerta. Hebræi certè salutem
illi adstruunt è pænitentiæ beneficio & perenni
diuinæ gratiæ subsidio. Perrerius tamen, Lipo-
manus & Caietanus ambigunt in Genes. cap. 17.
adscribo ergo N. L.